



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**COLLA=||TIONVM SACRA-||RVM LIBRI VIII.**

**Bredenbach, Tilmann**

**Coloniae, 1584**

**VD16 B 7375**

52. De Iulianp præfecto, qui impudenter contra sacrum altare minxit. & de Felice & Elpidio, sacrilegis, eorúmque horrendo interitu.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

percutta, & ad tantam peruenit putredinem, vt vermes procrearentur, medicis laborantibus vincere affectionem. Cōficiabantur enim omnimoda preciosaque medicamina ex pinguibus volatibus, vt eorum pinguedine corrupta, & putria membra linirentur. Hoc facto vermes ad superficiem prouocabant, quia in profundo ebullientes, per viuas serpebant carnes. Et donec moreretur, non fuit ab hac affectione securus. Hoc itaque claruit diuina indignatione factum, cum etiam custodes imperialium thesaurorum, & alij plurimi aduersus Ecclesias insurgentes, inopinata & miseranda morte defuncti sint, quasi superna indignatione damnati.

*Ex histor. Ecclesiast. Tripartit. libr. 6. cap. 32.*

*De Iuliano prefecto, qui impudenter contra sacrum altare inixit, & de Felice et Elpidio, sacrilegis, eorumque horrendo interitu.*

## CAP. LII.

**C**VM sub Iuliano Apostata, iuberentur vasa Ecclesiarum sacra fisci arario deputari, sublatis ianuis Ecclesie maioris, quam Constantinus edificauerat, sit cunctis accessibile sanctuarium. Ingresso siquidem Iuliano prefecto Orientis Ecclesiam, Felix prepositus regalium thesaurorum pariter introiit, & simul Elpidius Comes rerum privataram. Aiunt enim & Fœlicem & Elpidium prius Christianos, tunc à pietate recessisse,

Ff 3

impio

impio principi parere cupientes. Iulianus itaque præfectus impudenter contra sacrum altare minxit. Quem cum Euzoius prohibere tentaret, eum ille percussit in capite. Fertur autem dixisse, Christianorum inuentiones celestium cura non vacare. Porro Foelix videns vasorum ornamenta, quæ Constantinus & Constantius frequenter obtulerant: Ecce in quibus, inquit, vasis Mariæ filio ministratur? Sed pro his impietatibus vâsanisque præsumptionibus non post multum pœnas exacti sunt. Nam repente Iulianus seuo morbo correptus, visceribus putrefactis interiit. Et excrementa non per meatus egestiuos emittebat, sed sceleratum os, quod blasphemijs ministrauerat, organum huius excretionis est factum. Aiuunt autem illius vxorem fide fuisse clarissimam, eamque dixisse: Decet te marite laudare saluatorem Christum, quoniam tibi per hanc correptionem, magnitudinem propriæ virtutis ostendit. Non enim agnoueras contra quem pugnare voluisti, nisi consueta longanimitate hæc tibi flagella diuinitus intulisset. His ergo verbis & passionibus imminens causam languoris cognoscens, rogabat Imperatorem, ve Ecclesia quibus fuerat ablata, redderetur. Sed nec illum flexit, & ipse terminum vitæ suscepit. Porro Foelix & ipse repente flagellum virtute diuina suscipiens, sanguine toto die simul & nocte ex ore fuso, & venis corporis vndique vacuatjs, omniq; virtute simul expensa,

& ipse celeriter est extinctus, aeternæq; morti  
contradictus.

*Victor lib. 1. de persecutione Vandalica Pro-  
culus Arrianus ex Pallis altarium, camisas  
sibi & femoralia faciens, turpissima morte  
diuinitus consumitur.*

## CAP. LIII.

**G**aisericus cum immanissima persecuti-  
one in Catholicos crudelissimè defæui-  
ret, mittit Proculum quendam in pro-  
uinciam Zeugitanam, qui cunctos domini sa-  
cerdotes coarctaret, ad tradendum ministeria  
diuina vel libros, vt primò armis eos nudaret,  
& ita facilius inermes hostis callidus capti-  
uasset. Quibus se non posse tradere clamanti-  
bus, ipse rapaci manu cuncta depopulabatur,  
atque de pallis altaris (prò nefas) camisas sibi  
& femoralia faciebat. Qui Proculus huius  
rei executor, frustatim sibi comedens lin-  
guam, in breui turpissima consumptus est  
morte.

*Hieron. Emserus in vita S. Bennonis, Episco-  
pi Misnensis cap. 32. habetur autem in  
tom. Suriy, 6. Iulij. Casula D. Bennonis de-  
mon. fugatur, & de pœna Marchionis  
Misnensis Ecclesiasticam libertatem vio-  
lantis.*

## CAP. LIV.

**M**atrona quædam Misnensis diœceseos  
ex villa Pretzendorpff, propè Friber-  
gam, nostra hac tempestate dæmonio